



UNIVERSITÄTS-  
BIBLIOTHEK  
PADERBORN

**De Ivre Sistendi, Et Manvum Iniectione, Qvam Vvlgò  
Arrestationem Vocant, Svccincta Explicatio**

**Peck, Pierre**

**Antverpiæ, 1589**

Debitor an eo loco arrestari possit, ad quem à creditore transigendi causa  
vocatus est. Caput 7.

---

[urn:nbn:de:hbz:466:1-63495](https://nbn-resolving.org/urn:nbn:de:hbz:466:1-63495)

*De Jure Sistendi.*

dum, ad quod officium deputatus vel assumptus fuit. l. ex omnibus. C. de decurio. libr. 10. Ideoque d. loc. Romanus consultum esse existimat creditoribus, ut debitorem ad officium publicum assumi procurent, & sic egredientem conueniant. Renunciari quoque posse huic priuilegio, verius est, teste Ias. ad d. l. plerique. num. 29. quod (ut ipse ait) fecisse videtur is, qui omni iuris auxilio renunciauit, quomodo quotidie ex usu receptum videmus, rusticos omni immunitatis auxilio renunciare; Versantur quoque nonnulli in ea opinione, & precipue quidem iam d. locis Bald. & Iason, ut existiment debitorem omnino fugituum dictis locis detineri posse.

10 Postremo quemadmodum Rebuffus de priuileg. scho. c. 102. ait in scholis publicis alicuius Academiae, capi aliquem non posse, ut schadalum & tumultus videntur; Ita eadem ratione dici potest, quod in scholis publicis, debitor arrestari non potest, quia scholae in quibus Doctores profitentur, sunt veluti domus propriae studiosorum.

Debitor an eo loco arrestari possit, ad quem a creditore, transigendi causa vocatus est. Cap. 7.

*ARGUMENTA.*

*Compromisso pendente nihil est innouandum. nu. 1.  
Colloquio de transigendo vel componendo durante  
nihil creditor aduersus debitorem attentare debet.*

*nu. 2.  
Saluus*

*Saluus conductus etiam tacite dari potest.* nu. 3.

*Partes dum sunt in tractatu pacis, omnis ratio procedendi cessat.* nu. 4.

**E**XISTIMO etiam debitorem eo loco arrestari non posse, ad quem à creditore vocatus est, vt super causa debiti petiti & prætenfi tráfigat, vel amicabiliter componat, aut de transigendo, siue componenno loquatur cum eodem, etiam si non transigat, neque cõponat; quia sicut Compromisso pendente altera pars, contra alteram partem nihil attentare debet, clem. quamdiu. de appel. & regulariter in omni causa Compromisso pendente, nihil est innouandum. Barb. consil. 18. incip. Clementissimum. col. 5. vol. 3. Rebuff. ad ord. reg. tomo 3. tit. de appel. art. 16. gl. 1. num. 25. etiam si compromissum illud postea corruat, aut ad effectum non perueniat, iuxta nota. in d. clem. quamdiu. Ita etiam non debet creditor aliquid attentare, contra debitorem, pendente eiusmodi colloquio, ad componendum & transigendum destinato: Sicuti & cum duces exercituum, simul de pace componenda agunt, etiam si expressè hinc inde Saluus conductus aut securitas non præsterur, intelligitur tamen hoc tacite esse actum, quia alioqui non venissent. Nam & tacite Saluum conductum dari posse. notat Salycet. ad l. nullus. C. de iudic. Alex. consi. 1. lib. 2. & consi. 8. libr. 6. Hyppol. sing. 77. & alij quos citat Petr. Pre-nius in tract. de securit. promiss. quæst. 6. in fi. versicu. incip. Minimè autem. Alioqui enim

I v contin-

*De Iure Sistendi.*

contingeret debitorem miserè decipi, sub hac confidentia, qui alioqui non venisset, quod esse non debet; Et in simili in quotidiana praxi, vsu receptum esse videmus, quod quando partes sunt in tractatu pacis, omnis ratio procedendi & processus litis cessat.

*De priuilegio Bullæ aureæ. Cap. 8.*

*ARGUMENTA.*

*Brabantus an Brabantum arrestare possit, & ubi, numero*

*Statutum absolutè prohibens comprehendit subditum in alieno existentem territorio. nu. 1.*

*Statuendi potestas inter subditos, territorio non ar-  
statutur. num. 2.*

*Excommunicatio ligat subditum in omni loco. nu. 3.*

*Interdictio bonorum facta prodigo, contractum eius irritat quocunque loco factum. nu. 4.*

*Bona mobilia sequuntur personam. nu. 5.*

*Debitor fugitiuus non inuatur ullo priuilegio. nu. 6.*

**I**NCOLIS Ducatus Brabatiæ speciali iure à Carolo Quarto Imperatore aliisque Principibus indultum est, vnum Brabantum, non posse alterum Brabantum extra Brabantiam arrestare.

Quæro igitur an Brabantus Brabantum arrestare possit in Hispania, Italia, Anglia, Gallia, & aliis prouinciis aut regnis, quæ nõ subsunt Imperatori & Principibus qui priuilegium illud concesserunt? Et paucis videtur dicendum quod non: quia sicut statutum prohibitorium absolutè loquens, comprehendit subditum